



## ANEXO

### **BASES QUE REXEN A PARTICIPACIÓN NO CONCURSO DE SELECCIÓN NO PROGRAMA: “IV INTERCAMBIOS ESCOLARES. VIVIR NOS MUNICIPIOS DO EIXO ATLANTICO”.**

O **Eixo Atlántico** é unha asociación transfronteiriza de Dereito público, integrada por Municipios e entidades da Administración Local que configuran o sistema urbano da **Eurorrexión Galiza – Norte de Portugal**, na que está integrado o Concello da Coruña.

No grupo de traballo de Educación e Cultura do dito Eixo levamos varios anos desenvolvendo o proxecto de “**Intercambios Escolares. Vivir nos municipios do Eixo Atlántico**”, programa no que o alumnado dunha cidade portuguesa participa nun intercambio co alumnado da nosa cidade, tal como se recolle no “Regulamento de Intercambios Escolares do Eixo Atlántico”.

No sorteo celebrado o día 5 de decembro de 2024 entre as cidades galegas e portuguesas do Eixo Atlántico participantes, realizado pola organización do Eixo Atlántico, para o curso 2024/2025 tocoulle ao alumnado da nosa cidade o intercambio co alumnado do municipio portugués de Braga.

A elección do grupo escolar de participantes do Concello de A Coruña rexerese polas seguintes bases de selección:

#### **1. OBXECTO**

As presentes bases teñen por obxecto a selección dun grupo escolar de alumnado de 5º ou 6º curso de educación primaria de centros públicos do Concello da Coruña cara a súa participación no programa IV INTERCAMBIOS ESCOLARES. VIVIR NOS MUNICIPIOS DO EIXO ATLANTICO.

O programa persegue como finalidade compartir experiencias entre escolares de concellos de Galicia e Portugal integrantes do Eixo Atlántico; especificamente para darlle a coñecer o municipio de A Coruña ao alumnado dun centro educativo da cidade portuguesa de **Braga**.

Os intercambios terán lugar durante 2 ou 3 días nos meses de abril ou maio de 2025, nas datas que se determinen por ambos municipios, de acordo cos centros educativos participantes.

O programa inclúe os seguintes servizos:

- a) Os desprazamentos de ida e volta A Coruña - Braga, para o alumnado seleccionado da Coruña e 2 docentes acompañantes e un/unha técnico municipal.
- b) O seguro de viaxe e de responsabilidade civil.
- c) O aloxamento hoteleiro en habitacións dobres con pensión completa do grupo visitante de Braga na Coruña.
- d) Acompañamento dun/dunha monitor/a nas actividades na Coruña.
- e) Os desprazamentos pola cidade da Coruña do grupo seleccionado e aqueles outros gastos que se consideren necesarios para acadar os obxectivos deste programa.
- f) Como novidade, o Concello da Coruña organizará tres sesións de coñecemento da lingua portuguesa para o grupo seleccionado neste programa.

#### **2. PUBLICIDADE E TRANSPARENCIA**

A selección do grupo escolar será realizada polo Concello da Coruña en réxime de concorrencia competitiva, de acordo cos principios de publicidade, transparencia, obxectividade e non discriminación, aplicando os requisitos e criterios de valoración dos proxectos fixados nestas bases.



O procedemento para a selección do grupo escolar iniciárase de oficio mediante ca orrespondente convocatoria, aprobada polo órgano competente do concello, que será publicada na páxina web educativa do concello ([www.coruna.gal/educación](http://www.coruna.gal/educación)). Será tamén neste sitio web onde se realizarán as comunicacións aos grupos solicitantes, sendo responsabilidade destes a súa consulta para obter a información relativa a: prazos de presentación de proxectos, listaxes de seleccionados e xuntanzas e outras cuestións relacionadas co programa.

### 3. REQUISITOS PARA PARTICIPAR

**Destinatarios:** tal como se recolle no “Regulamento de Intercambios Escolares do Eixo Atlántico”, os ditos intercambios están destinados ao alumnado de 5º ou 6º curso de educación primaria matriculado no curso 2024/2025 en colexios da rede pública no noso municipio, e dicir, dos CEIPs do Concello da Coruña.

**Nº de prazos ofertadas:** os grupos escolares solicitantes estarán integrados por unha unidade escolar cun máximo de 30 participantes (incluído o alumnado e 2 docentes).

O grupo seleccionado será simultaneamente “grupo anfitrión” e “grupo visitante”.

#### Inscripción no concurso:

- A solicitude de inscrición no concurso farana os centros educativos a través da páxina web educativa municipal ([www.coruna.gal/educacion](http://www.coruna.gal/educacion) ).  
Na inscrición deberá constar: o nome do centro educativo, o grupo escolar, o número e nome e apelidos do alumnado do dito grupo, a persoa responsable do grupo (titor/a ou docente) e o correo electrónico de contacto.
- Presentar, xunto coa solicitude, unha proposta de **proxecto de actividades** para desenvolver na Coruña co grupo visitante.

Para isto, deberán presentar unha **memoria do proxecto** coas seguintes características:

- ✓ O proxecto ten que ser orixinal e en lingua galega.
- ✓ Cunha extensión máxima de 20 follas por unha cara, en letra Arial 11, con entreliñado sinxelo, xa sexa de xeito físico ou virtual.
- ✓ Unha folla inicial que incluírá: o nome e obxecto do proxecto, o nome do centro educativo, o nome do grupo ao que lle pertence o traballo (5º A, 6º C ...), e o profesorado responsable do seu desenvolvemento.
- ✓ O proxecto poderá ir acompañado con vídeos, fotografías, planos, maquetas o calquera outra aclaración ao proxecto, en arquivo achegado como anexo.

**Temática dos proxectos:** darlle a coñecer a cidade da Coruña ao grupo escolar portugués visitante. Teñen cabida nos proxectos os aspectos relativos a: a descrición do municipio, o patrimonio (cultural, natural e inmaterial), a súa cultura e os seus costumes, as festas, os barrios, o noso centro educativo e o seu barrio, o porto, as infraestruturas, a economía e a sustentabilidade, as tecnoloxías, as oportunidades de ocio, como vemos a cidade no presente, proxectos futuros...; sempre e cando se enmarquen dentro da realidade de nosa cidade. Así como a previsión de actividades na cidade e no centro educativo.

Quedarán excluídos aqueles proxectos que non se axusten a estes requisitos.



## 4. PRAZOS DE INSCRIPCIÓN DO GRUPO ESCOLAR E DE PRESENTACIÓN DOS PROXECTOS

- Prazo de inscrición do grupo escolar: será **ata o 31 de xaneiro de 2025, a través de ficha de inscrición** dispoñible na páxina web educativa municipal [www.coruna.gal/educacion](http://www.coruna.gal/educacion), que deberá ser realizada polos centros educativos.
- Prazo para presentar a Memoria do Proxecto: será ata o **14 de marzo de 2025**.

As memorias teñen que se presentar telematicamente, a través do correo electrónico [educacion@coruna.gal](mailto:educacion@coruna.gal), coa mención no asunto de: "Concurso IV Intercambio Escolar Eixo Atlántico".

Estes prazos poderán ser modificados se o Servizo Municipal de Educación o estima oportuno.

## 5. COMISIÓN DE VALORACIÓN DOS PROXECTOS:

Coa finalidade de valorar as propostas dos proxectos presentados, de conformidade cos criterios de valoración sinalados nas presentes bases, constituirase unha Comisión de Valoración composta por un mínimo de tres persoas do ámbito educativo, designadas polo Servizo Municipal de Educación, entre os/as seus técnicos/as, o profesorado, titores, técnicos/as, expertos/as ...

Redactarase unha acta, cos resultados de valoración e a súa xustificación, na que se formulará unha proposta que será elevada ao Servizo Municipal de Educación para a súa aprobación.

O resultado da valoración será publicado nos mesmos lugares onde foi publicada a convocatoria e será comunicado individualmente por correo electrónico ao centro educativo do grupo escolar seleccionado. No caso de causar baixa, será chamado o seguinte en función da puntuación obtida e por rigoroso orde desta.

A decisión da Comisión de Valoración será inapelable.

## 6. CRITERIOS DE VALORACIÓN DOS PROXECTOS

Para a valoración dos proxectos presentados teranse en conta os seguintes **criterios**:

- O grao de innovación, orixinalidade e motivación do centro e do alumnado no proxecto.
- Os recursos expresivos e comunicativos utilizados na presentación do proxecto e dos materiais explicativos anexos.
- O grao de coñecemento mutuo e integración entre os grupos participantes das actividades que se propoñen para desenvolver.
- A viabilidade técnica da proposta de actividades que se propoñen para desenvolver na Coruña.
- A realización de experiencias didácticas que promovan a sensibilización sobre a importancia de vivir nun municipio integrante da Eurorrexión do Eixo Atlántico.

Cada un destes criterios será valorado cun máximo de 10 puntos, sendo a puntuación máxima de 50 puntos.

A puntuación será o resultado das medias de cualificación de cada unha das persoas integrantes da Comisión de Valoración e determinará a adxudicación da praza en función da orde de puntuación, descartando aqueles proxectos que non cumpran cos requisitos mínimos esixidos.



# Concello da Coruña

## 7. OBRIGAS DOS CONCELLOS DA CORUÑA E DE BRAGA

O Concello da Coruña será responsable da execución deste programa no seu municipio e asumirá os seguintes compromisos:

- Darlle apoio ao grupo seleccionado sobre o coñecemento do municipio, dos demais municipios integrantes do Eixo Atlántico e do propio Eixo Atlántico, así como do idioma portugués.
- Preparar, en coordinación co grupo seleccionado, o programa de actividades do grupo escolar visitante na Coruña; asegurándose de que os grupos sexan recibidos preferentemente pola alcaldesa, para que os estudantes se sintan verdadeiramente embaixadores do seu municipio.
- Recibir e acompañar, xunto co grupo seleccionado, ao grupo visitante durante a súa estadía.
- Financiar os desprazamentos de ida e volta A Coruña-Braga, para o alumnado seleccionado da Coruña e 2 docentes acompañantes e un/unha técnico municipal, os seguros de viaxe e de responsabilidade civil e os desprazamentos pola cidade da Coruña. Tamén serán financiados os gastos do alumnado de Braga, que se refiren ao seu aloxamento e a manutención na Coruña, nun establecemento hoteleiro, en habitacións dobres, con pensión completa, e aqueles outros que se consideren necesarios para levar a cabo os obxectivos deste programa.

Mentres que o Concello de Braga se compromete a financiar os gastos de desprazamento do seu grupo escolar ata A Coruña; e os relativos aos mesmos conceptos mencionados no seu municipio para o grupo escolar da Coruña.

## 8. OBRIGAS DO CENTRO EDUCATIVO E O GRUPO SELECCIONADO

- O grupo escolar seleccionado acudirá a Braga acompañado dun máximo de 2 docentes. A selección dos docentes queda a criterio do centro educativo.
- O alumnado seleccionado deberá asistir e realizar todas as actividades previstas no desenvolvemento do seu proxecto na Coruña e as do grupo escolar portugués.
- O centro educativo deberá poñer a disposición do programa un espazo para realizar unha reunión previa á viaxe a Portugal.
- Recibir e acompañar ao grupo visitante durante a súa estadía na Coruña, sendo os escolares os guías/monitores encargados de darlles a coñecer a cidade.

## 9. DEREITOS DE DIVULGACIÓN E PROTECCIÓN DE DATOS

O Concello da Coruña resérvase o dereito á divulgación dos proxectos presentados e os seus anexos, se os estima conveniente, xa sexa de forma total ou parcial.

Co propósito de acadar difusión e impacto en medios de comunicación xerais e especializados, enviaranse notas de prensa e invitacións institucionais.

Os proxenitores ou titores do alumnado participante no programa darán o seu consentimento ou rexeitarán por escrito que a imaxe dos seus fillos/as sexa reproducida nos devanditos medios.

Os datos persoais facilitados no formulario de inscrición, indispensables para a xestión da convocatoria, incorporaranse a un ficheiro, no que o Concello da Coruña ten a condición de responsable, para os exclusivos efectos de xestionar adecuadamente o Programa municipal "IV INTERCAMBIOS ESCOLARES. VIVIR NOS MUNICIPIOS DO EIXO ATLANTICO".

Polo que respecta ás garantías no tratamento de datos de carácter persoal, será efectuado de conformidade coa normativa vixente en materia de protección de datos de carácter persoal, en especial: a Lei Orgánica 3/2018, do 5 de decembro, de Protección de Datos e garantía dos dereitos



# Concello da Coruña

dixitaise, e o Regulamento (UE) 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais xa a libre circulación destes datos e polo que se derroga a Directiva 95/46/CE.

## **10. A participación neste concurso implica a conformidade e aceptación destas bases.**

Para calquera aclaración poden poñerse en contacto co Servizo Municipal de Educación do Concello de A Coruña, no teléfono 981 184 200 ext.: 10259 ou a través do correo electrónico [educacion@coruna.gal](mailto:educacion@coruna.gal)